

zum theil herein gefest/ ihr Hab vnd Gut herein gewand/ damit die Berckwerck/ die nicht ohn sonder groß darlegen/ erregt vnd vnd erhalten werden/ erbawet sein worden / davon sich auch die newrung des Volcks in diesen Landen mercklich gesehet/ vnd das werth der Güter gestiegen/ die Häußlich Narung des löblichen Adels mercklich gebessert/ dann wo mennig des Volcks / da ist vortreib der Wahre/ da kan der Adel seiner Viehzucht genießsen/ seine Fisch in Teichen anwerden/ Weizen/ Korn/ Gersten/ Haßern / vmb ziemlich Geld vorkauffen / da gilt ihm sein Holz/ Stroe vnd Haw/ der Bürger kan sein Bier vorschnecken/ sein Tuch/ Rock/ vnd Schuch/ Huffsens/ Schloß/ Band/ Sporn/ Schwert/ Messer/ Gürtel/ Beutel/ Taschen/ Thrum/ Käffen/ Bas vnd Legell/ an werden vnd gute Münz davon bekommen. Es können auch der Becker vnd Fleischer/ vnd alle andere ihr Handwerck desto haß genießsen / vnd der Bauer sein Acker mit mehrern nutz getreiben.

Welches alles nicht sein köndte/ wo nicht menge des Volcks were/ welche dann Gott lob durch den Handel vnd Berckwerck/ vor mittelst gutes friedes/ vnd guter Münz in diese Land kommen.

Nun fellet für/ wie in diesen bösen zeiten/ jetzt alle gute Ordnung vnd alte herkommen/ anfechtung haben müssen / das man auch davon *diffutiret* vnd redet/ Obs gut sey/ gute oder geringe Münz im Lande zuschlahen vnd zu haben/ vnd sein etliche die meinen/ Es habe Gott der Allmechtige diesen Landen vnd Fürstenthumben/ viel gnad mit den Berckwercken gethan / Aber es werde nicht gebraucht/ sondern man lasse es zu vnnutz hinwegkommen/ vnd wolle es nicht gebrauchen/ vnd wo noth fürfalle/ so legen die Fürsten schwer an/ vnd beschweren die armen Unterthanen/ vnd lassen das nach / das man wohl mit fuge gehabt köndte/ damit man die Armen nicht beschweren dörfte/ vnd sey